

T5236.05/4462

173

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

文苑英華卷第八百四十一

議議下

獻贈工部尚書馬勳詩一

大尉晉國公韓況議一

左常侍柳渾議一

駁右僕射鄭珣論議一

駁左散騎常侍方式議一

駁贈司徒李吉甫議一

贈大保千頤議一

晉世子誥恭詩一

改茶女子誥一

文苑英華卷第八百四十一

八二

謚議下

駁贈工部尚書馬暢謚議一首



太尉晉國公韓滉謚議一首

左常侍柳渾謚議一首

駁右僕射鄭珣瑜謚議一首

駁左散騎常侍房式謚議二首

駁贈司徒李吉甫謚議一首

贈太保于頔謚議一首

晉世子謚恭議一首

改恭太子謚議一首

駁贈工部尚書馬暢謚議

常奔

議曰太常考馬暢之行舉凡夜就事廉方勁正之敬以易其名異乎無所苟於言也比建中興元間暢以父有征討之勲推恩而授爵位父薨家富於財以酒色自娛貞元中嘗傾產交中官因獻田宅以求幸德宗薄其人而終不信用坐前與孤姪寡嫂分居拆財醜聲聞於一作時歿後使孽子孀妻披姦挾私公言盈于庭此皆章著於視聽者可一作以謚為敬乎議者云先司徒之籌畫而暢揣摩者策無遺焉暢參訂一作於閨庭之內苟所言屢中而不可隱當指明其効實而書之俾行道者無所惑不然則武公之才畧光于典策矣而乃飾虛辭以攘其一作為子請謚得

非繆謚之甚邪又稱名儒端士皆從之遊不知孰為其

漁一作田蘇耶孟軻云尹公他端人也其取友必端夫為

端士而遊乎暢之門况謚法夙夜就事者以其績用可紀

非謂其曠日彌月以至乎或作終身也廉方勁正則暢處

已行事未嘗造次而踐其途焉何以謚為敬乎大凡言功

伐議德行遵一作其迹有以勸善貶其名有以懲惡固非

庸者事也如暢之輩烏足以黷典法哉若有司以有為而

為之則宜乎勸一無貶之例也請下太常重定其謚傳士

日縱一作皆唐會要

太尉晉國公韓滉謚議代太常博士 顧况

議曰韓滉天然風操自建名實馭下威重允疑績用頃天

下兵興務給財食月計億費王府一空中歲滉領小司徒
 實專出納平準齒革之才留遷虞衡之賦邱無歛貨市均
 靡物加以畜用殆復充盈泊旌旄吳楚封畧數千里盛名
 大烈豈疑作望而斯畏嚴令山鎮不可輕沮諭意維揚則張
 瑗之謀戢矣飛書斬將則沈清之亂平矣采衛邦伯文武
 陪寮怙勢之徒負阻之族莫不軋軋顛如也且天寶以
 來江左無物產資贍文法浸寬貪夫徇財小人趨利求茲
 官者十恒八九滉柅能制動絲克理焚過之所至刑必糾
 之非簡能之不知方矯時而為理興元初姦宄偷變震驚
 我師滉首獻方物奔貢漢中慶賜遂行邛用由濟貞元初
 歲不有秋秦將歉食上憂乏用人人大搖滉發廩救災不

德宗日萬鍾繼至二輔斯給昔蕭何轉漕關中寇恂

河內皆以勤王幹蠱推功第一若敵而言則滉之功非細

也爰命作相咨以財計用統邦一作九賦漢粟誠多超古之

才高謝主臣而已會登用日淺其道未光然累行疇庸可

得而擬謚法曰慮國忘家曰忠安君不念已危而忠滉安

國荒饑濟君艱難厲時多虞立權修賦危已從怨忘家在

公得非忠乎謚法曰剛德克就曰肅執心決斷曰肅滉剛

而得位師克以貞令出惟行刑其必犯得非肅乎臣聞舉

善不必求備易名是其大者謝琰定謚特以忠肅褒榮

何魯議謚詔以忠肅追美稽滉勲勞無忝前列伏請謚曰

忠肅謹議

二輔疑作二輔
 或是三輔

左常侍柳渾謚議

柳宗元

尚書考功伏以魯史褒貶虞書黜陟彰善癉惡王教之端

自周公已

集作

來謚法未改謹按柳公累歷臺閣

集無此二字

清貫茂著名節貞亮存誠潔廉中禮納忠為諍

集作

臣之

表出守乃牧人之良刺舉必聞澄清可紀冒危而大節不

奪更名而純誠克彰遂踐鼎司以匡王國奉上盡陪輔之

志退迹有推讓之高珪璋問望洽於人聽所以聳厲在位

關於政教聲聞王者其事寔繁褒善勸能固將不廢宗元

既當族屬且又通家傳信克備其遺芳考行敢徵於故事

謹具署其懿績布以愨詞定謚之制請如律令謹狀下太

常博士裴堪謚議曰貞奉勅依

宗元乃渾之姪孫作此議上考功或是裴堪因其說

而就謚曰貞故載之謚議

駁尚書右僕射鄭珣瑜謚議

太常博士徐復謚文獻駁之

李巽

議曰夫謚所以昭德也德既昭矣則文無以加焉故相國

鄭公端操特立寡言慎行及居台司有蠲逋恤人之美有

知難不汙之節雖無文若之進拔無孟子之是非無賑施

之仁無謔諤之義然足以稱賢相也夫文人者大則經緯

天地次則潤色王猷周文以至德為西伯季孫以道事其

主咸謚曰文為美無以尚也亦焉用兩字然後為備哉竊

觀以

一作

兩字之謚或有兼德得

一作

一字不足以盡盛德之

形容故有兩字生焉然亦興於近古非三代兩漢之事也

夫舉典之道信其正不信其邪春秋之大旨也則兩字之謚非春秋之正也故相國鄭公之謚為文足矣馬用獻哉為獻可矣馬用文哉兩字兼謚竊所未諭請下太常重定謹議

一作皆唐會要

又議

議曰鄭珣瑜令德清規坐鎮風俗理人而善政浹洽作相而謀猷密勿其終始事迹當時罕傳所以表賢易名寔曰文獻夫文者煥乎大行獻者軒然高名合而褒之厥有經義亦猶貞惠文子累數其功至于再三以勸事君者今秦駁議其無進拔無是非無賑施無謬諤且曰二字之謚非三代兩漢之事愚以為異一作異之駁所謂進拔者豈不以

推擇群萃致之於庭乎珣瑜住司衡銓暨當鈞軸流品式叙英髦在朝若無獎拔之明則何以至此但如來議寡言慎行故其端兆不可得而窺也當先朝之日上體不平姦臣王叔文招一作擅權作朋將害于國其視丞相如無也輕議一作詣是相府不循舊章珣瑜意雖能誅力固不足移疾高謝萬情所歸則是非之明孰大於此夫所謂賑施者在禮家施不及國賢人君子廣愛為心莫不開移物之源布厚生之政曩者恤災患免逋租亦既當之矣其於篤親庇族表無常主踐名教者誰則不行若以分孤寡之資同於賑施則於一無此二字珣瑜之字所羞言也奚謂無哉至如謬謬匪躬前議已書其微婉矣既承高論敢不指明德宗季年

李實為京兆尹殊恩晝接貴倖無比而實以羨餘稱伐莫
之敢非珣瑜衆詰所由上陳利害且曰取於人而未酬其
直焉得有餘是其言不可謂之無譽諤矣伏以國朝宰輔
謚文而兼字者代有人焉故房玄齡謚曰文昭狄仁傑謚
曰文惠魏徵陸象先蘇瓌宋璟張說崔祐甫並謚曰文貞
劉仁軌劉幽求姚元崇裴耀卿張九齡並謚曰文獻李元
紘韓休並謚曰文忠薛元超曰文懿盧懷慎曰文成蘇頲
曰文憲楊綰曰文簡其餘不可悉數若以文包羨不宜以
他字配之則房玄齡狄仁傑以降昭惠貞獻忠懿成簡皆
不得正矣我唐聲明文物垂二百年更閱群才發揮王度
豈議名之典獨未得中耶不然何輕阻一作沮之為駁正所

設但當論謚之當否不宜詰字之多少苟有不當雖一字
之可乎若皆允宜雖二字何害如帝巨源附會兗黨李地
海奪其嘉名所言至公人則悅服今既曰賢相而又非之
君子於其言豈得苟而已乎若云二字非三代兩漢之規
則又異乎愚所學者夫威烈慎靜史作靚周王之謚也文終
文成漢祖之佐命也霍光為宣成孔光為簡烈中代之勲
德也劉寬為昭烈楊賜為文烈東郡之鼎臣也安謂其無
三字哉况文之為謚一作名其義多矣有經緯天地焉有忠
信接禮焉有寡立不懾堅強不暴焉有敏而好學不耻下
問焉夫匪一端各有所當若昔侯西伯季孫之德然後稱
文則魯侯與文伯歟之類皆不為文矣故誅謚之制因時

文苑英華卷一百一十五
一作旌別前狀議珣瑜之行曰為一代之名臣斯其旨歟
謹上採禮經旁觀舊史叅諸國典以定二名請依前謚曰
文獻謹議 一作皆唐會要

又議

李巽

議曰鄭珣瑜兩字之謚今太常請依前謚曰文獻者夫謚者春秋褒貶之旨也仲尼書法隨類推廣雖一字褒貶其文猶博蓋欲指明事業以昭示後代俾後之人懲其惡有而勸其善故不可苟夫謚一字正也堯舜禹湯周公邵公是也兩字非正也故謚法不載或人臣不守彝章苟違異端考烈慎靜史作是也或時主之權以功德加厚於臣也肅何霍光房玄齡魏徵是也不當加而借也孔光劉寬

元超李元紘是也三字過也貞惠文

子有是也亦謚法所

不載也古今無有也公叔文子謚

一作是衛君之過也衛之

亂制也不然即記之失也以一美加一字即堯舜禹湯當

累數十字以為謚也夫禮記者非盡聖賢之意也非盡宣

尼之所述也當時雜記也昔后蒼為曲臺記其弟子戴聖

增損刊定為小戴禮今禮記是也若盡宣尼之所述即戴

聖豈得而增也昔宣尼修春秋游夏不能措一詞以知禮

記非盡宣尼所述故戴聖得

一作後以增損也則貞惠文子

之謚衛君亂制也古今無有也非宣尼所述又何足法哉

鄭珣瑜和茂修整始終無闕可為

一作謂美矣至於議行考

功而度越等輩比於鄴文成梁文昭魏文貞則不侔而謚

號無差輕用國典失春秋之旨矣向者鄧梁數公皆經綸
草昧輔翼興王以道輔君致於化洽彰灼千古言之者凜
然生敬而以珣瑜齒之豈無愧於心哉夫數公者皆時主
感風雲之會懷謨明之美故加於常典以明其德亦所以
篤君臣之義也然非正也權制也若後之人非數賢之比
則當循常以避數賢地也其劉仁軌薛元超李元紘加字
之謚皆贖國典而昧彛倫言之可為寒心豈當舉之以為
訓也其餘姚元崇宋璟劉幽求或輔相一代致理平之化
或忘身徇難成中興之業又豈珣瑜之以典選為進善以
辭疾為嫉惡邪皆尚口偽辯非守典確論也夫以典選者
皆為進善耶若然者則國家有天下二百年何裴行儉馬

盧從愿等數賢獨見稱於時也循資署置謂為進善異
乎余所聞也又珣瑜之病數月而終豈偽疾耶一作借使

偽疾尤可恠也昔子路之冗食家臣有殺身徇難而珣瑜
履台輔之重當危難之際平居則饗其高爵厚祿見危則
奉身自保以此為是非之明即董狐之書趙盾為妄作也
珣瑜之辭疾可責於太常舉以為德信君臣之義非常人
所知也珣瑜之下詰李實誠中其疾可謂美矣然則珣瑜
自始筮仕至於啓手足垂四十年歷諫職持風憲其忠規
激發恐有過此者今太常舉其下詰李實未為多也謂為
謬諤者衆矣豈能使汲黯魏徵有慙色哉前巽議云三代
兩漢無二字之謚此末一作未學之過也無苟文若之進善

無孟軻之是非無文子之賑施無周舍之謬諤以珣瑜之行清而無闕可為掩之不足辯也今所議兩字之謚亦又不當其議固一作不足斥也前巽之言過矣但兩字之謚加等之美以蕭何房玄齡言不在珣瑜也巽雖不敏至於言謚美以感一作人聽此嘗所激切而不平也終不欲有僭齒於蕭何房玄齡之宗又不欲有造次擬於魏文貞姚元崇宋璟劉幽求之讜言悟主茂績殊勲也夫前車之覆後車所以易轍也前有司之失後有司當有以矯之也不矯之則逶迤遂達以至亂制此有國之誠也考烈靜慎孔光劉寬薛元超李元絃之同於禹湯文武蕭何霍光房玄齡魏徵前有司之過後之專筆削者宜有以矯之也不矯

之典禮寢亂矣有司不可以尤而效之也不可以黨所亂而遂僭典也鄭珣瑜兩字之謚請下太常重議若一字不足盡珣瑜之盛德必須兩字則敢俟再告謹議竟從復議謚文獻

一作皆唐會要

駁左散騎常侍房式謚議

太常博士陸亘謚曰傾乾度駁之

常乾度

議曰詳觀貞元之末西蜀之事逆豎劉闢構難之初兇邪叶謀噉嘯相聚年深事遠十不記一然而硯磊不平鋒刺豐深者藏在骨髓請舉其梗槩一二焉式自忠州刺史故太師奏授劔南西川度支一作副使後兼御史中丞又剖符蜀州是時貞元十八年也式因晝日昏睡如醉經宿乃

文苑英華卷一百一十五

寤詢一作訊其左右僮僕不知其所從來後逾年却復使職

會故使太師薨歿劉闢潛扇逆謀禍亂始胎式遂倖姦人

之意為謫恠之語謂闢曰乃者蜀州昏病之中見公為上

相盧文若為侍郎儀衛甚盛富貴極矣他日無相忘賊聞

大喜布滿軍縣自以為神授非人力也賊每接賓客肆談

論撫群邪申號令未嘗不以是為先深自以為祥兆也豈

不因式作異言鼓妖孽惑亂平人堅一作壯兇險不然何

區區之蜀瑣瑣之寇王師討伐經費萬計崎嶇阻險留年

乃拔何哉蓋以式深為浹洽之辭激切器固不然何盤祗

固根之甚也故使太師末貞元年八月薨其時乾度任殿

中侍御史前使度支一作支度判官劉闢自攝行軍司馬節度

留後九月初乾度被逐攝簡州刺史名雖守郡其實囚之

明年四月追廻勒攝成都一本有射字縣令其時授闢西川節

度詔命初下東川之圍未解乃召募亡命兼收管內鎮兵

張皇虛聲扇一作煽惑郡縣發兵七千馬畜三萬號為十五

萬人轉牒墊厓以來縣道郵次酒肉畢具芻茭無匿署牒

首曰闢副曰式叅謀曰符載令下之日妖氛一作氣空輿下

愚沸騰貪冒姦賞奔走叛命肩磨轂擊爭死恐後當此之

時邛蜀震驚田野廢業竄伏山谷邑居人吏分散道路如

此之時一作事非得之於人皆親所聞覩時賊圍逼梓州之

日一無此二字又王師諸軍稍稍繼至倡狂兇寇不復張矣然

嘗察式為人柔而善佞不義不信一作不義不然何劉闢文

甲

文苑英華 卷一百一十五
若喬規符載皆咨諏執禮拳拳以事之以斯而言可以知其所止矣伏以聖上法維天之度崇納汙之弘雖玄澤滂流鼓盪昭洗然易名之典在正根源苟非其人不可加美如式西蜀之事大節已虧缺矣何面目以求謚焉傾之爲謚頗乖前狀請下太常重定謹議
一作皆唐會要

又議

議曰式之在西蜀也入人耳目其事熟矣固非愛之者所能粉飾而文其論惡之者所能披抉而裝其說蜀之此時雖女子小人亦知兇闢斷頭之不日然爲其用者乃救死於頸語其無勇烈之心斯可矣豈可盡被其附麗之名乎如式之於劉闢旣不能去又不能死可謂求生害仁者也

而駁議曰大節已虧無乃過言歟何從聞之闢之走西山也召所疑畏者十數輩於庭些小盡殺之然一作而後去而式

在其間賴蒼黃之際闢黨有誰護持者僅免於難推嚮之論則不當如是明矣然居此時有將見危授命之義殺身成仁之道詰之者稱式無愧色愚不信也不如是則式之去希烈也理河南也廉宣城也何以無忠敬之目歟愚論之曰式也不疾任求之目不閉吉挹之口乃罪也無壬皓棄家之心無譙玄受毒之志其罪也如闢之反天子棄墳墓乃曰顧式說一夢以結其心署一牒以張其勢豈其然乎夫人臣不幸罹於是惟死而已矣然孟子曰生吾所欲也矧自軻已下哉使死之易則王諒李業虞悝馮信不足貴

也一作將意者非一作將不可必死望人乎始不以一無此二字非不死罪

之以懷生貶之是異論也夫謚者易其名者也夫子曰名

以出信不曰名之必可言也名不正則言不順以至于刑

罰不中止謂此耳夫豈容易哉語曰於其所不知蓋闕如

也恍惚之夢駁議之外無言者懼非所以昭示後世也臯

陶謨曰五刑五用哉言用刑必當其罪也刑其支體於一

時猶須當其罪矧刑其行義揭之於千萬年歟康誥曰敬

明乃罰請依前謚為傾謹議一作皆唐會要

駁贈司徒李吉甫謚議

張仲方

議曰古者易名請謚禮之典也處大位者舉其巨節蔑諸

細行昭範當代彰示後人然後書之垂於不朽善善惡惡

不可以誣故稱一字則至當焉舉一事則至明焉定褒貶

是非之宜泯同異紛綸之論李吉甫稟氣生材乘時佐治

傳涉多智一作知含章炳文燮贊陰陽經綸一作緯邦國惜乎

通敏資性而便媚取容故載踐樞衡疊補台衮大權在已

沉謀一作議罕成好惡徇情輕脫寡信諂淚在臉遇便則流

巧言如簧應機必發夫大臣之翊戴元后者端俗一作格致

治孜孜夙夜緝熙庶績平章百揆兵者凶噐不可從我始

及其伐罪則料敵以成功至使內有害輔臣之盜外有懷

毒蠱之孽師徒暴野戎馬生郊皇上旰食宵衣公卿大夫

且慙且耻農人不得在畝紡婦不得事一作在桑耗賦歛之

常貲散帑藏一作庫之中積徵邊徼之備竭運輓之勞僵尸

血流齒豁成岳毒痛之聲一無此二字號呼無辜勦絕群生無

此二字逮今四載禍胎一作辭之兆寔始其謀遺君父之憂而

豈謂一有為之二字先覺者乎夫國之論大功者不可以妄取不

可以枉致必咨籌畫乃著不顯不競而分豈妨全美當削

平西蜀乃言語侍從之臣擒剪東吳則訐謨廊廟之輔較

其時一作德則有異言其力則不倫何乃捨一作取其所重一作

輕而錄一作捨其所輕一作重存一作錄其所小而畧其所大且

奢靡是嗜而曰愛人以儉授受又無守而曰慎才以補斥諫

諍于外豈不近之蔽聰乎舉中心烈之廣豈不近之匿愛乎

焉一作鳥有蔽聰匿愛家範無制一作而能垂法作程憲章百度

謹按謚法曰敬者夙夜儆戒曰敬書曰敬明乃訓易曰敬

以直內內而不肅何以形于外憲也者刑也法也戴記曰

憲章文武又曰發慮憲義以為敬恪終始載考歷位未嘗

劾一法官讞一小獄及居重位以安和平易寬柔自處考

其名與其行不類研其事與其道不侔一定之辭惟精審

慎異日詳制貽諸史官請俟蔡冠將平天下無事然後都

堂聚一作叢議謚亦未遲謹議勅賜曰忠一作皆唐會要

贈太保于頔謚議 王彥威

議曰于頔剛毅特立博遊文藝蘊開物成務之志為從橫

倜儻之才刺湖州復南朝舊陂以溉人田由是斥一作鳥鹵

生稻梁歲時大化得丁壯之物籍者取什一代貧人租入

故輕重以濟江南卑濕送終者無懸窆封樹之制高則不

一作不可 隱深則及泉土纔周棺水至露齒頓悉命以官地收

瘞當時稱之為蘇州則繕完隄防疏鑿畎澮列樹以表道

決水以溉田其為襄陽當吳少誠弄兵王師不乏糧五字或作

王師有征軍師或作師未嘗退表克吳房郎山生得賊將邊

以兵柄授之推誠於人有古將畧然惜其不能善終如始

奉初以還跋扈立名滿盈不戒則有司擬議之際安可不

善善而惡惡哉元洪刺郡以官事被謫中貴人銜命部領

便道之徒所路出于漢頓遽命武士持刃捕捽洪既就執

王人徒歸又不奉詔出師而西抵于鄧軍聲甚雄人聽日

駭夫師出以律其出不命時人不能識其指歸王者功成

而作樂諸侯則否頓之反旆於蔡也作文武順聖樂貞元

御寓務求寵綏有司請編優詔許之一作莫逆事出一時之澤

樂作諸侯之庭良可惜哉然則如頓者是知樂之可作而

不知禮之不可作者也迹其馭衆為政之術蓋初以利興

害去為已任而令行禁止其源出於法家者流文深意苛

有犯無捨至有屋誅同命之慘然未嘗別白其罪以示顯

戮人到于今而冤之泊乎天姻一作恩下浹元侯入覲朝廷

申婚姻之好復以宰相待之則又子罪官貶而連起國獄

措紳之論寔益非之謹按謚法殺戮不辜曰厲復狠遂過

曰厲請謚為厲或曰頓頓字一繇文學政事而揚歷中外

卒當登壇補袞之寄推於事任亦謂難能則易其名者宜

兼舉美惡二字以正褒貶今特謚為厲或有未安愚以為

兼舉美惡二字以正褒貶今特謚為厲或有未安愚以為

不然誅一作夫類能而授聖人之勸勉議謚貴當有司之職

分禮經言謚蓋節以一惠至於論議之際要當美惡咸在

細大無遺議乎謚一作易名則以優迹春秋之義也况援其

功不足以補過契其美不足以掩瑕其馭下也任威少恩

其事上也失忠與敬謚之為厲不亦宜乎勅賜謚曰思

一作皆唐會要

晉謚恭世子議

白居易

晉侯以驪姬之惑殺太子申生或謂申生得殺身成仁之

道是以晉人謚為恭世子載在方冊古今以為然居易獨

以為不然也大凡恭之義有三以孝保身子之恭以正承

命臣之恭以道守嗣君之恭若棄嗣以文粹非禮不可謂

道受命於非義不可謂正殺身以非罪不可謂孝三者率

非恭也申生有焉而謚曰恭不知其可若垂之來代以為

訓戒居易懼後之臣子有失大義守小節者將奔走之將

欲商權敢徵義類在昔虞舜父頑母嚚舜既克諧瞽亦允

若申生父之昏姬之惡誠宜率于道以幾諫感君心以至

誠雖申生之孝不侔於舜而獻公之頑亦不迨於瞽盍以

烝烝之乂俾不格於姦乎故咎之始形則齋慄祗載文粹

字為虞舜可也若不能及禍之將兆則讓位去國為吳太

伯可也若又不能及難之既作則全身遠害為公子重耳

可也三失無一得於是乎致身於不義不祗陷父於不德

不慈負罪被名以至於死臣子之道不其惑歟夫以堯之

聖書美曰允恭舜之孝書美曰温恭今以申生之失道亦謂曰恭庸可稱乎周之衰也楚子以霸王之器奄有荆蠻光啓宇土赫赫楚國由之而興謚之為恭猶曰薄德今申生殉其死不顧其義輕其身不圖其君俾死之後弑三君

奚齊卓子懷公殺十有五臣荀息里克不鄭初舉其華賈華叔堅

也實啓禍先大亂晉國則楚恭之得也如彼申生之失

也若此異德同謚無乃不可乎左氏脩魯史受經於仲尼蓋仲尼之志丘明從而明之無善惡無大小莫不微婉而發揮焉至於申生之死也之謚也畧而無譏何其謬哉何以覈諸且仲尼修春秋明則有凡例幽則有微旨其有君不君臣不臣父不父子不子者率書名以貶之故書曰晉

侯殺其太子申生不言晉人而書晉侯且名太子者蓋明

晉侯不道且罪申生陷君父於不義也以微旨考之則仲

尼之明貶可知也文粹集本作矣以凡例推之左氏之闕文可知

矣嗚呼先王之制謚豈容易哉善惡始終必褒貶於一字

所以彰明往者而勸沮來者故君子於其謚無所苟而已

矣繇是而言則恭世子之謚不亦誣乎不亦誣乎

改恭太子一作改恭君謚議 李谿

魯僖公五年晉殺其太子申生先聖之書惡用諛也是時

國中請謚不亦過乎詩曰温温恭人唯德之基亦曰温恭

朝夕執事有恪皆極言也是故子服景伯戒其徒曰陷而

入於恭閔子馬國語作閔馬父笑之為謂周恭王能庇其國語無其

字昭穆之闕而為恭楚王能知其過而曰恭先王恭亦不敢自專稱曰自古在昔由是知恭固不易名也今觀申生之事未有得其稱者夫禍機將發子與之謀狐突之諫明而知之既不肯用至於將死之日復不能以六日之狀自明而曰君安驪姬君非姬氏居不安食不飽我辭姬必有罪是我傷公之心也乃受賜而死嘻越哉其過也獻公雖闇昧好聽讒非中心知之而猶好之也以晉國之地方千里財用之給士女之衆求聘妃后豈無超於驪姬者哉然而獨任專寵諸姬莫奪者得非希意釣情機切其密以傷君心使然耶如此則必以姬之行爲善以姬之言爲實安而任之漸至作亂史蘇所謂其受逞而不知至夫事狀明

著姦詐漏洩知其不善顯其不實如醉而醒如寐而覺震電憑怒執而戮之必使夫然剛決矣復安有傷心至於不安居飽食哉設令既戮之復思其儀寶而怙悵者則亦念其欺罔忿恨矣謂恐傷心無乃謬歟且申生將使獻公達嘉聲於億載鎮令譽於千古甚於安其居飽其食也失令名於後裔貽讒言於孫謀甚於居不安食不飽也推此大義傷心猶亦不害况於無傷而遽至死耶遂使長惡不懲譖二公子豈曰能庇其昭穆之闕乎沉迷不返人諫而拒豈曰能知過乎親不能庇非執事有恪也過不能知非爲德之基也乃此疑滯不通之論謂之恭君亦已過矣謚法曰壅遏不通曰幽如申生者真是也稽之典法改謚曰幽

太子使夫後代知所以事君父之道必左右輔弼使不陷
令名於簡冊之中不獨虛死其身偷安尊者於日夕而已

文苑英華卷第八百四十一

文苑英華卷第八百四十二

誄

誄一

北齊盧紀室誄一首

梁度支尚書陸君誄一首

從子永寧令謙誄一首

隋秦孝王誄一首

盧紀室誄

盧思道

齊正統二年秋七月司徒記室參軍事永安鄉男范陽盧
詢祖卒先民有言惟德可久抑又聞之惟名為壽爾之無
祿沒而不朽乃援弱翰告哀哀友遂作誄曰

皇虛耿邈師緒蟬聯大儒漢世名公魏年司徒藹藹撫翼

冲天尚書壘壘亦稱象賢若人擢

一作

秀絕後光前發榮

隨浦韞耀春田爰在弱齡孤根回立內無怙恃外寡朋執

行有餘力藝無不習善價斯待香名允集下學上達鑽幽
洞微九流百氏異軫同歸文成鍾律韻響珠璣麗詞泉涌
壯思雲飛雄州擢第言割其楚我實裒然觀國而舉自茲
不調多歷年所游泮儒玄從容嘿語納於大麓崇建府朝
八紘所掩車乘翹翹我有明德乃應嘉招超自幕下來儀
鳳條應徐並轍潘顧齊鑣聲華簪帶譽動朋僚逝矣江陰
承風請胡莊生喻指季子觀樂立朝所寄俊才優學懸河
自口靈珠在握乃參軍事仍贊中鉉大冲所縻德施攸踐
同推麗則俱謝蟲篆何才之高何位之鮮天下士也宜享
多福豹變其文鴻漸於陸神之聽之于何不淑營魄遂往
奇儀在目嗚呼哀哉昔余與子分重契深譬諸投漆如彼

斷金余慕大隱子惟陸沉等趨

一作起

宮閣並綴衣簪春

其踐秋水偕臨還馬齊轡出蓋連陰良書濁酒永嘯長吟
美言俱贊闕行同箴娛樂未幾嶮阻相尋忻旣無極憂亦
難任云胡不吊亡我知音百年已矣萬事傷心嗚呼哀哉
亭伯君山並嗟湮滅荀粲王壽同悲夭折蘭菊無墜鍾鼓
不絕之子云亡何愧前列靈衣襲几奠酒盈杯故庭飛籜
虛帳疑埃僕流離而涕泗驟顧慕以遲迴出南陽之舊道
掩北邙之夜臺趙卿之銘已勒滕公之隴未開臨象設而
不面詎幽魂之可來嗚呼哀哉

梁故度支尚書陸君誄

江惲

君諱襄字師卿吳人也祖惠徹宋車騎府法曹行參軍父

開揚州別駕齊永元紹曆蕭遙光謀反伏誅開以州職一作
端見害子絳其日并命忠孝之道萃此一門襄時年十四
號毀殆城布衣蔬食終于身世起家著作佐郎出為永寧
縣令累遷臨川王廬陵王法曹外兵記室入為太子洗馬
掌管記中書舍人管記如故為丹陽尹丞俄遷太子庶子
掌管記揚州治中太子家令領國子博士管記如故丁母
顧夫人憂廬平墓所服闋又從家令轉中庶子並掌管記
遷中散大夫金華宮家令出為鄱陽內史除尚書吏部郎
秘書監領揚州大中正度庶支尚書太清二年三月京師
傾覆君竄迹還鄉吳民陸黠起義民攻郡擾攘之際憂憤
而終春秋七十有二余避世河滸暫之吳國百舍不容千

里無饋陸公國士之眷惠好之深朝同飪粥夕共瓢飲契
闊晤言流連晦朔日月逝矣懷古何忘臨哀能誅久願推
筆時事屯遭不遑削藁梁季適越未戢干戈世人仕累為
物所役杼軸於懷四十餘載隋開皇九年於長安致仕懸
車已泊就木幾何但東海成田南冠未繫龜山更促空想
吹笛之哀馬角徒生絕望通波之水嗚呼哀哉攬涕操觚
乃為誄曰

媯苗碩茂完裔繁昌賓門穆穆筮仕鏘鏘食采命氏遐哉
陸鄉四昇臺省八辟賢良分柯振葉令聞令望玄黹朱鞞
翠弁金鑑流聲世紀列讚祠堂別駕貞烈志存名教捐生
御一作主知死不撓暉映泉壤痛此忠孝於鑠夫子積德

累仁韜光戢耀隱璞含真居哀能痛至情通神決枯壠樹
哀感馴禽永慟家禍長號不辰玄黃絕睇疏布終身心符

屈婢離騷婢直以亡身或作是非室等原貧分其共感內族外姻求之

今古斯為異人月下奏章螢前讀史給紙蘭臺觀書洛市

強學待問潤身為已結髮濯纓登朝入仕昂昂逸驥逐日

千里宛宛長離陵江迅起枳棘栖鳳化行乳雉平臺累陟

石崩蹙履踰一作雌伏不競焚絲自理倚席無譏師訓胄子

驥足時務俊民斯俟秋實選能春華備羨思媚儲后遊息

承華書記策擢爵命增加彈碁擊筑沉李浮瓜追隨飛蓋

侍從鳴笳二儀廻幹四氣淹賒離景遽沉前星奄滅撫已

惟舊懷恩守節昔荷故臣攀號聲折登高能賦大夫就列

金華式肇更奉清切脩竹貞松含霜抱雪下車軒日一作日

求瘼康時良辰坐嘯朗夜卧治懸魚化靜佩犢去思廣弘

條教精察毫釐典選搜揚操刀密勿一作沒不紊朱紫傍無

請謁秘署學林得人超忽延閣緗素校文遺闕上妙鉛槧

譽成若月鴈行攸序龍作疑簡才讓珠不拜賜劔恩來帝

日俞往爾行兼該金城失險王弩流災年臻几杖病息草

萊世故天禍臣悲主辱露盡朝陽風驚夜燭黃鵠超遙白

駒何促事迫歸魂依然啓足悠悠世路辛苦難虞尋戈滿

道暴骨交衢家無半菽地絕飛芻念君桑梓零落凋枯傷

君并邑子矣崎嶇喪亂絕卜葵藿荒蕪淒涼故交擗標遺

孤臨穴外野撫棺窮途嗚呼哀哉為善豈懼修名難假德

履中和道周文雅不朽之迹非謂泉下甕甕清名一作冷
冷獨寫嗚呼哀哉

從子永寧令謙誄

王僧孺

余之從子謙字幼光以昭陽紀歲蕤賓旅月啓足閩隅暄
日泉岫是殲才子實喪俊民若其孝親睦友故非天墮地
出異才絕學如有鬼告神授玉懷瑕而可指桂含蠹其取
傷孰與九德彰於造次百行動為表徵一作吐論含毫宣
赴鍾瑄標心用已懸符矩矱疑作護惠響棲道一作悽悽清心可
鏡和而靡屈簡而周爽遂若疑雲絮如止水無慙座右不
愧屋漏蒼苔繞路素塵滿席蕭索庭戶靡事鮮明沉淪典
籍將絕弔賀室如夏甫狀等安有所累清塵一作安其唯

不能忘懷藝而已斯美宜久宜長而驥駉之步中行鸞鷟
之趨未矯一歸寥廓長反虛無雖東隅再暝一作舟舟鉗丙之
御無及北顧相望餘首之數不盡而恒化非常人所不免
况風雲萬里間此山川客思故鄉次房之念何極輕棺友
蜀允南之思可知而魂兮耿耿扁舟靡靡生人之望已冥
死歸一作父之期又阻痛心傷目豈伊一事無以少寄辛傷
故復誄之云爾

昭昭洪胄映策光書違羸避項從衛遷徐基忠踐孝抱約
懷虛有顯而默匪屈伊舒如茲邴魏譬彼董踈入登高闕
出啓精廬瞻星畫野望閩推車履仁不匱蹈道有餘九世
盛矣七葉光諸往弼睿主來傳英儲峨峨三祖羅室並居

前瞻紫闕傍望白渠高軒霞被四馬龍櫪一作櫪温温司武

皎皎秘書義高松竹價重璠璣元昆世父重規壘矩容與

學丘徘徊詞府青紫已拾大夫斯取盛藩往相名畿來撫

暉光不已驚生之子稷稷萬尋昂昂千里實鳳靡雜真龍

非似均情遽窳得意莊李室有虛白門無囂滓遺心沮勸

忘懷愠喜貧靡斯攝疑作賦其無耻險而不峭方而

能理德有潤身學斯為已逸羽難集孤峰易峙南邁瑤琨

西踰杞梓人亦有言名為實使譽傾邦國價騫州里崇蘭

自芳珉王自光汪汪巨壑曖曖重墻靡造靡請不迎不將

久而愈敬狎而愈莊即無矯資一作即斯無矯此有循常默非蓄

短顯弗用長豈伊墜岸如彼懸梁唯學已聚待問則強備

兼下五行亦稅其中于彼王吏如龍宮楚有斯由

待蘊此上才安茲下位儲扉始闢傳府初開爾其矣止碎

彼昔才從斯簡帝仍此追陪何以 自茲翰飛傍佐戎

列來攝儒衣儒衣濟濟訪對斯歸是義罔惑唯禮無違悠

悠越障决决閩海薄言銅墨蒲密斯在孰云識吏政均舊

宰循猛是兼絃常無怠補袍方服治情莫改增貲匪課歸

民自倍十郡為則百城斯採化日未逢政稱異等斯痛斯

傷喪善殲良妖同武擔疾甚清漳闔棺陋邑掩櫬蕪鄉鳴

呼哀哉耿耿輕軀悠漫長塗一作悠悠漫塗風生閭闔日去昆吾

空歸故國寧識舊都水鳴秋鶴岸集寒鳥寒不夜哭惟獨

呱呱茫茫大塊杳杳玄墟嗚呼哀哉伊吾與爾大別唯名

肥泉猶接瓜瓞未輕義雖子道思一作實友生歡憂共日

險泰均情如菊有芬如蘭有薰別唯慕類居實有群盡日

持論送夜披文漸漬義老祖述淵雲唯昏及旦自旭徂曛

人道實難譬彼徂湍驅車峻嶺執手河干三川縈薄七嶺

悠漫自茲不見心譬廻瀾歲佇會面日望音翰歡無一緒

悲有萬端濛陰遽戢扶景易殘即斯大暮為此一棺山足

難曉壘首易寒秋蟲相叫暮羽來搏宿草行沒宰樹方攢

昭塗長已疑大夜斯安孰知冥默徒此汎瀾嗚呼哀哉

隋秦孝王誄

隋煬帝

維開皇二十年六月二十日丁丑上柱國秦孝王薨于仁

壽宮嗚呼哀哉八元八凱濟濟農則周南召南赫赫周國

於穆孝王紹彼一作慈

明德天寶喪予殲我剛克嗚呼哀哉

如何上靈降此災否國喪宗臣家亡千里嗚呼哀哉爰初

不豫冕旒視疾及至大漸停鑿駐驂親臨屬纊俯觀徹瑟

動皇情痛深慈膝一辭明世千秋長慕如何綿綿終古

仲秋卜宅將歸泉戶梁山之陽未寧后土嗚呼哀哉余寡

兄弟愛篤彌深奄然零落痛體傷心嗚呼哀哉追悼無及

永分古今神雖虛翳一作神靈雖翳徽聲靡替誄王德音貽千百

世乃作誄曰

皇隋啓運應天順民保茲七百靜彼四隣利建宗子藩屏

懿親孝王惟允俾侯于秦爰自聖章天性誠愿色養烝烝

孝立名建恭近於禮耻辱斯遠嘉之弗忘懼而無怨孝悌

之至通於神明温温居德肅肅厲精恭敬表志退讓為情
 譁此棠棣敦斯鶴鳴仲稱令弟叔曰仁兄荷歎我弟好學
 無替九流日修三餘卒歲琴臺夜開書帷晝閉聰敏若神
 雄辯無滯妙矣聲律明哉龜筮玄象風角於焉及睿允文
 允武多才多藝惟善惟樂為仁為惠天挺出群英圖命世
 欽若孝王容止堂堂振鷺將集鳳雛斯翔人之領袖國之
 輝光輝光伊何肅肅翼翼義以處身仁以經國明燭繫符
 財成淵塞靖恭爾位好是正直令聞令望無反無側皇枝
 良幹日富英聲宣風作伯盤古維城東京舊都河南殷博
 惟我哲王行臺惟冥飛轡峻函塞帳伊洛德被汝墳仁行
 鞏毫西秦右地實賴英雄寔惟王化一作匪他乃即龜蒙惠和

布澤易俗移風疊疊孝王仁而能斷德敷大國有符公且
 移鎮樊征述職江漢地接寇讐稜威靖難文德招遠懷勞
 伐叛蹇輟外藩入侍天軒典茲戎衛仍居納言寶劔橫曜
 豐貂尤温周衛清切敷奏便繁獻替惟允禁旅斯敦偽陳
 不恭軼我炎鄙王赫斯振將清江涘圖斯元帥難全其備
 唯我孝王膺茲無愧恭行天討受服建旗申威鄂渚鞠旅
 江湄軍容赳赳逋醜一作纍纍雲陳不布高城靡持泥首
 衝壁請命于台兵不血刃野無橫屍善戰不陣我弟于茲
 金陵戡定飲至京師廣陵淮海一都之會牧彼頑民作相
 于外時雨隨車棠陰逐蓋惟晉太原寄隆望大表裏山河
 要衝襟帶東自維揚一作揚越廻旌轉旆善政庶平於斯為最

胡虜畏威氓黎荷賴烽火戎馬俱清邊界寒暑失御庸作
 痛 衛弗聞言旋京邸去彼叢臺扈駕仁壽撫席巖隈連綿
 藥餌歲去年來秀而不實禍極生災天胡不吊木壞山頽
 嗚呼哀哉至尊廢朝而悼傷皇后輟膳而摧痛甚秦國之
 未辭劇梁武之長送昆弟哀哀而日嗟僚友嗷嗷而悲慟
 嗚呼哀哉歎日月之不居何卜遠之詎促旌旒飄颻而從
 風笳管酸嘶而響谷服馬顧而不能行挽夫悲而不成曲
 霜霰落兮山谷寒木葉下兮丘壟殘風颭颭而吟樹泉幽
 咽而悲湍離群之獸絕跡孤飛之鳥悲酸背離宮而東轉
 歷山邱而北度去甲第之樓臺即荒田之丘墓昔時鳴鑾
 而戒途今日靈輻而啓路臨朝謁之平衢永絕茲之一步

儻若神而有靈幾悲傷而留顧嗚呼哀哉棄永一作日之

昭昭襲長夜之悠悠苦玄扃而無曉悲黃泉而求幽湮盛
 年於萬古沮壯志於千秋嗚呼哀哉慟反哭於秋季悲復
 歸於故地尹形遊而不遷何魂瑯之空志嗚呼哀哉酒罇
 浮塵兮獨滿琴絃含風兮自斷冥夜久其何期焉知歲月
 之長短孝王與我體密情親孔懷之篤有踰常倫昊天何
 酷哀哉哲人柰何吾弟先我長淪煩寃痛毒悲恨何陳嗚
 呼哀哉痛母弟之同胞棄共被之寒郊豈止三荆之變色
 非唯四鳥之分巢遽一朝而云逝曷何去而何止形未捨
 自言猶在耳彼蒼者天子何甚矣嫫嫫一作俾俾友于哀哀吾
 子痛當柰何痛當何已想髮鬢而不見猶盤桓而佇立空

撫膺而莫追抑飲淚而何及嗚呼哀哉嗟地久而天長終
倫波疑作淪沒乎幽方徒春華而秋落不復見我弟兮孝王何
謝安之蔬食豈子路之喪亡獨端憂而無一作誰告徒哽塞
而追傷悲莫悲兮長別痛莫痛兮終絕因悽愴以寫情慟
入琴而永訣嗚呼哀哉

文苑英華卷第八百四十二

文苑英華卷第八百四十二

誄二

誄

隋新城郡東曹掾蕭平仲誄一首

平城縣正陳子幹誄一首

德先生誄一首

衡州刺史東平呂君誄一首

虞鶴鳴誄一首

隋新城郡東曹掾蕭平仲誄

陳子良

蕭平仲字某蘭陵人也梁文皇帝之玄孫鄱陽王之曾孫
也鄱陽嗣三之孫定襄侯之第五子也孤清瀾於天潢分
喬枝於若木君降生昴宿挺質珪璋孝友溫恭仁慈亮直

其形曲而雅其神俊而明耽思群書研精衆藝盡人間之
能事極天下之竒才江淮貴遊獨稱領袖故可以坐覲羔
鴈俯拾朱紫至如南山爲志不能北面事人詩書自娛耻
與絳灌等列泊有陳失馭西遷於隋而兄弟十人白眉斯
在棠棣之詠事等姜肱君子義之高其行也屬皇期有道
咸序搢紳乃拜吏部外郎東宮學士冀州司法參軍禮部
員外郎新城郡東曹掾從班列也君莅政能官咸熙庶績
所在遺愛置言成範至如纓綬之士草萊之客莫不聆嘉
聲而雲萃飡德音而風趨李膺曩喟楷模王尚昔稱賢智
方之茂如也適應入踐常伯超補司如何靈祗感我明
哲春秋五十有五大業九年二月二十五日卒一作終於新城

郡之官舍嗚咽哀哉余與夫子頗有親連少敦莫逆旣同

羈旅彌篤綢繆非無陸機之書

一作詩

尚有鍾儀之操誰謂

吉士奄逐隙駒嗟乎盛年何晚

一作時

促之如此也嗚呼哀

哉昔之絕絃軫歎聞笛傷心余雖謝古人寧不悽慟是知
身歿名存寔由著述况復故人景行何能泯之敢以聞見
乃作誄曰

嗚呼哀哉粵若高祖大造惟梁德侔五帝道冠百王赤眉
作梗黃屋云亡有媯之俊應運遐昌君之顯考耻爲委質
在行旣高居賔坦逸篤生夫子如披雲日儼形信典聲名
本實機神電舉雅調風生還同照乘有類連城學逾班固
才冠劉楨金湯失險天猷有陳幸逢隋德預沐堯民青蓋

西度紫氣東淪依依去楚悽悽入秦梁毫之郊忽傾風樹
結廬狎鳥穿池憑霧兄弟十人義聲咸布爰降綸綬特預
銓衡龍樓振藻司寇馳名俄居郎署昇朝擅美含香趨奏
事禮承祀抑抑威儀彬彬文史涪水旣臨鄴城是面視民
如傷事心惟戰周震善政潘岳能官企彼前哲顧已非難
余之室人君之從妹加以篤欵頗蒙提誨銘之在心沒齒
唯佩契闊開隴連翩葦代余任主簿眉山之川亟會琴臺
兼遇名賢花朝月夜置酒題篇近之新城暫申累日謂君
積善未保元吉不言別後忽嬰斯疾如何清輝奄辭蘭室
嗚呼哀哉承諱驚惶聞凶喪慟泣前悲未盡後哀仍集白馬
不追素車安及悲人此世今太促歎死生今異路玄壤冥冥

難窮黃泉寂兮易暮客位空而聚塵書臺掩而生靈嗟古
人兮神交念往哲兮虛通淚有竭兮心尚感聲有止而哀
無窮宿草衰兮凝秋露白楊慘兮生悲風痛遊魂兮安在
徒醜酒兮招空嗚呼衣哉

虛通 疑作靈通

平城縣正陳子幹誄 前人

昔聞子路雄烈赴難如歸先軫忠貞雖死無悔故能貽芳
塵於後世一作殉節義於遐年况乎勇嗣前修功深曩代
者豈可使身名頓滅典籍無聞悲夫余弟少府則其人也
第名子幹字元楨梁右將軍信義太守之孫陳晉安王府
諮議吳平侯之第三子也惟元楨稟質純和天挺聰俊生
知孝悌早擅雄才屬金陵亂離王室版蕩人倫東喪禮樂

西歸泊於一門同遷灞岸是則開皇九年之四月也家君
有鍾儀之操懷敬仲之心遂屏跡杜門茹憂成疾忽悲風
樹痛深陟岵其時余年十九爾始八歲伶仃辛苦實迫饑
寒青門乏種瓜之田白社無容身之地一溢一作釜之米已
索一飄之飲屢空日夕相悲分填溝壑賴余以少遵庭訓
夙稟家風曾覽五經頗窺三史追孔融之令範慕張楷之
高蹤長安人主儀同却朔要余入室仍寄廡下遂慕西河
搢紳公子負笈雲萃藉此束脩方濟餬口幸以爾幼不好
弄長實庶幾因茲入學以勤以苦諒非性分何能成立隋
齊王英禮賢待士沛獻非儔召入平臺悅其篆隸仍題銀
榜取埒仲將足稱妙絕見美當世隴西李巨仁才華任俠

一作與余疑宿素欽其俊又因妻以女非厥人品孰能致

之及爾委質周行策名吏部公卿籍甚士類一作趨風俄

而詔授并州平城縣正是乃深閑簿領妙達治方蘊冰蘖

而不渝顧松筠而無改屬隋運將謝盜賊公行太上皇于

時留守并州龍潛汾水所管州縣咸聽指麾專物兵機式

遇寇震元楨素便弓劍立性雄昭屢剪兇渠頻蒙榮賞凡

有草竊咸資決勝以大業十二年八月有賊帥郭六郎無

字將兵三千人來侵縣境元楨受命率徒數百獨飛輕騎

手斬十人賊見威雄莫不披靡忽遭流矢斃于陣中春秋

三十有一嗚呼哀哉嗟爾輕生奮不顧命在天胡忍殲我

哲人方冀龜文以諧豹變如何馬革遂裹師元嗚呼哀哉

爾從官東西死生契闊與余一別已逾二紀往聞非命寔
用痛心媿鶴鳴之在原悲棠棣之先落惜哉同氣真漠何
之嗚呼哀哉余以貞觀六年二月十日夜於相如縣夢見
爾靈仍於夢中共馳哀慟乃涕流於枕悲不自勝嗟乎門
祚不昌鍾此哀薄旣乏子姪終鮮兄弟顧影笑獨實切肝
腸是知結草酬恩魏顆之功無爽出魂屢請蔣濟之子非
虛雖生死之或殊諒鬼神之神有識不任感愴追誄友于式
紀遺塵庶同潘岳敢詢前典而爲誄云

荷歟我祖承舜之緒爰從媯汭下居頴汝鳳飛于齊輝映
于許宛彼長陵離江而舉攀手桂林篤生翹楚淮海喪亂
關河播遷忽傾庭蔭痛結昊天惟我兄弟泣血連翩余雖

爾冠爾尚童年立雖無地窺竈無煙余稟家風世敦經史
式崇儒教俄而成市衣食是資殷憂備履爾因脩學遂能
克已孝敬有裕才華難擬言行無擇自此揚名偏工篆隸
獨擅嘉聲爰參選部乃任平城金科是執王律逾明尤便
弓劍本慕忠貞皇上龍潛居汾之汭兵權攸摠諸侯是制
郭六匈渠稱兵齊衛元楨受律奮威投袂躍馬星奔抽戈
電逝斬將搴旗罕當鋒銳忽中飛鏑在陣而斃嗚呼哀哉
人亡勇敵衆疾英竒况逢亂世功無所施在位非重居名
極卑不登廟食虛死何爲凡百君子各慎爾儀獨埋玄壤
誰其賞知空令親友遙哭路岐無復蒲簡唯餘墨池露團
宿草風響松枝山花開落隴月盈虧一朝非命千秋永離

鳴呼哀哉余於縣府春宵獨寐忽覲爾靈夢中相值執手
嗚咽其疑作共傷憔悴語未及終儵如電駟寔感我心寤乃
驚悸恍焉如失伏枕流淚曾聞賁父魯侯命志亦承揚贊
宋策云記矧伊義勇取埒無愧非余所述誰當在意興言
遠感發增情思援翰寫心式旌遺事嗟爾義夫英聲不墜
嗚呼哀哉

德先生誄

李華

或問曰德先生者奚氏余曰南陽張姓有畧其名維之其
字也或曰與古誰倫可造七十子乎余曰七十子或賢或
恒人方於賢原憲文粹作思宓不齊其比也或曰大哉余曰七
十子親聖人之道者也七十子符聖人疆畛之際維之

聖人衣冠之潤向使獲親聖人則鱗差耕雍也或曰何然
而瞽余曰聖賢借時故春秋之亂冉耕惡疾左丘明卜商
皆瞽聖如夫子失司寇饑於陳蔡忠如萇弘明文粹無此字謀
尊王室而戮死君子道消故仁賢窮維之隣道昌黎韓極
文粹作拯亦以德聞與維之同病不幸二子不以病為愈不喪
中明者也或曰夫如是得無誄之余誄之曰神胡病後之
人而奪先生噫嘻哀夫文粹有人字德甫余將疇兄

故衡州刺史東平呂君誄

柳宗元

維唐元和六年八月日衡州刺史東平呂君卒爰用十月
二十四日藁葬于江陵之野嗚呼君有智勇孝仁惟其能
可用康天下惟其志可用經百世不克而死世亦無由知

焉君由道州以陟為衡州君之卒二州之人哭者逾月湖南人重社飲酒是月上戊不酒去樂會哭于神所而歸余居永州在二州中間其哀聲交于北南舟舡之下上必呱呱然蓋嘗聞千古而覩于今也君之志與能不施于生人知之者又不過十人世徒讀君之文章歌君之理行不知二者之於君之獨本末也嗚呼君之文章宜端於百世今其存者非君之極言也獨其詞耳君之理行宜及於天下今其聞者非君之盡力也獨其跡耳萬不試而一出焉猶為當世甚獨本重若使幸得出其什二三則巍然為偉人與世無窮其可涯也君所居官為第三品宜得謚於太常余懼州刺史二字集之逸其辭也私為之誄以志其行其

詞曰麟死魯郊其靈不施濯濯夫子胡索其儀冠仁服義于櫓詩書忠貞繼佩智勇承綦獨本跨騰商周堯舜是師道不勝禍天固余欺鬼神齊集作怒妖孽咸疑何付之德而奪其時嗚呼哀哉命姓惟裔集作勤唐以力輔寧萬邦受祚集作爾國維師元聖周以降德世征五侯伊祖之則嗣濟厥武前書是式至于化光爰耀其特春秋之元儒者咸惑君達其道卓焉集作孔直聖人有心由我而得敷施變化動無不克推理惟功舒文以翼宣于事業與古同極道不苟用資仕乃揚進于禮司奮藻含章决科聯中休聞用張署讐百氏錯綜逾光超都諫列屢阜其囊帝殊爾能人服其智戎悔厥禍欵邊求侍咸集作選邦良難乎始使

君登御史贊命承事風動海壖皇威以致來惣征賦甲茲
郎吏制用經邦時推重器諸臣之復周官匪易漢課牋奏

鮮云能備君自他曹載出其伎集作於技筆削自任群儒蜀本作倫

莫集作議正郎司刑邦憲為貳邠州本作倭肅邪誦諛

其畏入字集注作糾遷理于道集作道民服民一作民服休嘉思

踈若昵惕邇如遐實閉其閣而撫于家載其愉樂申以舞

歌賦無吏迫威不刑如浩然順風從令無譁集作絲蠶外

邑我蠶盈車雜耕隣邦我黍之華既字其畜亦藝其麻馨

鼓斯屏人喜則多始富中教興良廢邪考績既成王用興

嗟陟于嶽濱言進其律號呼南竭謳謠北溢欺吏悍民先

聲如失逋租匿稅歸城自出無并既息罷羸乃逸惟昔舉

警盜奔于隣今我興仁化為齊人惟昔富人或賑之粟今

我厚生不竭而足邦思其弼人戴惟父善胡召災仁胡罹

咎俾民伊怙而君不壽矯矯貪陵乃康乃茂嗚呼哀哉廩

不餘糧集作食藏不積帛內厚族姻外賙賓客恒是懸罄逮

茲易簣僅無凶服葬非舊陌嗚呼哀哉君昔與余講德討

儒時中之奧希聖為徒志存致君笑詠唐虞榻茲日月以

耀集作羣愚疑生所恠怒起特殊齒舌噉噉雷動風驅良

辰不偶卒與禍俱直道莫試嘉言罔敷佐王集作王佐之器窮

以郡符秩在三品宜謚王都諸生群吏尚擁良圖故友咨

懷累行陳暮是旌是告永永不渝嗚呼哀哉

虞鶴鳴誄

前人

維某年月日前進士虞九臯字鶴鳴終于長安親仁里既
克葬于高陽原二三友生皆至於墓哀其行之不昭於世
追列遺懿求諸后土申篤嘉名寔曰恭甫乃作誄曰

昔集作虞之分爰宅上陽其後優游在越為鄉延詡輔漢

恢定封疆東徙之賢時惟仲翔曰預曰喜在晉克彰義篤

斯父集作有苾其芳秘書多能垂耀于唐泊于漢陽世德

以昌若先父終毗贊尚父休徽用揚惟我先君並時翱翔

洽主記室蔚其耀蜀本光實契伯仲永永不忘漢陽元子

寔紹其美傳習儒集作風彪炳文史克恭以孝惟禮是履

譽洽于鄉論為秀士百郡之選叢于京師昧沒騰藉乘凌

蔽欺生之始至則奮其儀退然集作以謙人悅而隨名

是學先進咸推方出群類振耀于時禍丁舅氏漂淪海濱

棒訃號呼匍匐增悲喪有幼主禮或多違孰徇于名而不

是思投袂就道乘艱若夷竭誠喪具申敬裳帷萬里來復

柩柩于墓遽不凌節儉而有度由其溫恭守以貞固行道

咨嗟觀理興慕復從鄉賦煥發其華克不再舉聞于邦家

倚閭千里歡味斯多姻族盈門載笑且歌君之不淑名立

忘阻蜀本慶歸其鄉身終逆旅生死已間壽觴方舉賀書

在途委骨歸土哀歡易地弔慶交尸神胡不仁降此大苦

嗚呼哀哉惟昔夏首羈貫相親通家修好講道為隣既冠

于阡思致其身升于司徒及爾繼年交歡二紀莫間斯言

愉乎其和確爾其堅更為砥礪咸去常弦今則遽已吾其

文苑英華卷第八百四十三
九
缺然嗚呼哀哉誅行謀謚惟古之道生而無位沒有其號
惟是友生徘徊顧悼爰用壹惠幽明是告温温其恭惟德
之經先民有言集作今也是旌嗚呼恭甫欽哉嘉名

文苑英華卷第八百四十三

文苑英華卷第八百四十四

碑一

封禪

大周降禪碑

李嶠

愚臣觀象銅衡紬文金版變化莫神於開闢崇高莫大於
富貴陰陽密運帝王操輔相之機曆數潛迴穹壤授甄陶
之業故謂上下同德幽明合契靈祇有命既錫造於雍熙
人主推功必申虔乎報謁奉符而勤一作勒是成展乎疑作脩

祀而益厚增高有道存焉其來尚矣自旦昏交謝文質迤
遷朴畧洪荒上行於萬八千歲陵夷因革下傳於七十二
家披圖而考其樹風按軌而詳其陳迹莫不祇肅其事神
明其道龍駕帝服疆場於鄒魯之垆犧樽象彛彙結於云

亭之上成就發生之宇以爲禮神之宅未有迴輿按驛觀
中土之神靈刻石泥金崇外方之禋祀名臣於是乎斷其
去就良史一作吏非於是乎題其失得然則置表測日陽城當
六氣之交際一作傑疑林奠山太室爲九封之長神翰降生於
廊廡王畿仰矚於峯岫風雷所蓄俯鎮於三河辰緯所躔
旁臨於四岳立崇乾事坤之兆疏就下因高之位捨此地
也疇其尚焉歷千載而撰徽音罕聞先覺超百王而崇軌
躅允資元聖我大周之有天下也鼓道德之林敷恢聖神
之事業始於閩闕成於家邦輝光燭於兩朝德澤流於八
裔登庸納麓一作錄則舜有大功錫範陳謩則禹濟元后謳
歌而昇新革故揖讓而改物承天由牝馬而御飛龍自頽

涉爾臻練

疑作鍊

石蓋千帝所不能及六籍所不能談若夫

兆朕鴻源網緼寶系載千嗣於改律窮桑連乎夢梓皇天
睠命積大寶而爲家聖道會昌擁洪鑪而作極神基將偃
伏構僊派於昭回同遠太祖無上孝明高帝合一作合幾察
道蓋睿窮神屈帝象而龍潛座台庭而虎變黃星造魏而
文握漢圖赤羽興熙疑作姬而武遷商昇天冊金輪聖神皇
帝遂荒三極奄有萬方御六辯而高馳憑九霄而下濟若
乃玄通不測之智神用無方之業超因越果名流於貝葉
之書應物隨緣迹蒲於蓮花之會秘恍忽於言象徵希微
於識籙亦猶寶應慈物推心坐雄帝之朝吉祥哀時屈已
登女皇之位此之謂神力張寰立寓蕩海夷山正八柱之

低昂理三光之盈縮乾坤一作象關鑰於廡下品物鑪錘於

堂一作掌內春生夏長循環奉享毒之仁暑往寒來奔走赴

財成之節此之謂天造左規右制俯察仰觀揆朱鳥於南

宮契玄龜於東洛天威四臨而有截王道一家而無外均

霜調露正六合之樞機叶軌同文立三川之朝市此之謂

建國臨戶牖之法座垂星辰之采章嚮明而居端默以聽

號令存於寬大規畫出於易簡循名責實而苟且之弊銷

極深研幾而變通之理得此之謂立政焰煙灰之墜典寫

溪谷之遺音無體無容與天地同節有法有象共陰陽通

氣引之而被乎百代橫之而克乎四海此之謂禮樂雷電

著至先王以折獄致刑歲月履端君子以懸書立法殊井

疆而知禁畫衣冠而不犯疏械破杻掩方載而勝殘解網

取果閉圓扉而靜讞此之謂刑典操盾秉翳立於賓主之

階絳掖摳衣聚之東西之學辨尊卑於章服觀禮容於俎

豆委裘多暇合九德以成歌垂拱無為援五絃而度曲此

之謂文教因農隙而講事順天時而鞠旅定功在於歸一作

休馬保太由乎止戈然後干苞虎皮箭射貍首鞞鼓不作

廟堂懸百勝之威尉侯無虞征戍罷三邊之役此之謂武

德籍乎千畝所以備粢盛齊於九疑所以嚴禋享苞茅潔

乎楚入樽俎隆乎殷奠於穆顯相而公侯駿奔肅雍和鳴

而祖考來格此之謂孝理金玉是賤委於嶄巖之山輿馬

不珍捐其駮裘之服御高辛之黃黼垂孝文之阜綈栝桂

茅茨未能埒其卑損藜藿羨糗飯無以倚其菲薄此之謂冲挹任臯夔衡旦之輔酌虞夏商周之書網羅并包商權擬議衆目張而藝倫叙群才用而庶績康野無遺賢朝無闕典猶且昧且懃懇方宵厲惕虚心解頰博愛兼聽防六事察五聲檢身有常視準繩而爲度祇德罔倦刻盤盂而自警遺身主於循物勞已存乎逸人是以恩澤流通教化洽著龍荒鼠徼覃寓外之雍熙鳳亢麟州奉寰中之度律遠安邇肅地平天成一作天平地成王律調年珠囊叶紀棲京坻於隴畝逸馬牛於衢路博婺象餼班白不提閭閻無犬吠之驚風俗有鶉居之暇原隰驅輶之使採詩聽歌菑畬一作緇植杖之翁擊壤鼓腹和氣旁薄禎符盼蠻招一角五蹄之

仁獸儀九苞六象之僊禽毫蟬出其祥麟昆田化其珍龜日烏素毛而丹喙天龜玄甲而青純雲蒸霧涌拜九洛之璿圖電激雷奔受三清之寶冊若乃山鷓海鯨石銘巖篆之符候月搖風連葉駢柯之祉神靈之所酬酢廣大之所薦成紛綸歲絜紹至疊見董狐之窮墨罄簡書而未周夷吾之傾辯畢辭談而不盡昇平之浹洽也如彼符命之昭彰也若此固可以循類帝之事奉丕天之律聖上方固懷讓德虔守謙光升中之儀推而不蒞也於是王公庶尹牧伯群寮粵耆艾停龐之儒洎蠻夷戎狄之長咸進而稱曰陛下欽承元命對越上玄廓天地之宏圖張祖宗之丕業臣妾四極驅馭百靈鼓舞發育經緯彌綸之績宣滲漉沉

潜懷柔容保之恩備是以人祇順德遐邇宅心玄符畢臻
黃瑞盡出幽贊乎祖考一作考姓之茂烈發明乎施尊之盛儀
意者三塗滅氛二室儲貺以望屬車之塵久矣帝者雖倦
焉得距而已乎伏願坦至公之懷捐獨善之意欽若大典
疇咨故實上以光七廟之休德下以納群生之福祐長爲
稱首豈不美歟帝曰俞哉乃包含藝文考練風俗採儒術
徵禮官窺五歲之典章覈四朝之制度叔孫掌事容成諏
日以天冊萬歲二年臘月乙亥闢丹掖開紫微撫玄虬按
黃道叶紀先路靈威並轂五戎促節旗常一作旌旗畫垂象之
文六甲分管壁壘暖太陰之氣雷動海運天迴星轉踰圻
觀而南下望圭臺而左薄陸離方攘煥炳聿皇以屆夫嵩

陽萬乘停鑣百司誌列文物隱地遺光蒲於竹一作宮輿

徒沸川輕盞埋於石柱天子乃幸齋寢披僊怪靡薛荔之

席陟蟪蛄之臺惟夫蠲意澄心所以至誠盡敬於是乎山

祇護野風伯清塵玉醴潛滋金砂闡涌神鍾驚曙峯巖傳

丸乳之音寒律移暄草樹動三陽之色徵祥之報影響不

遠壬午柴燎祀昊天上帝於南岳顯祖立極文穆皇帝太

祖無上孝明高皇帝侑神作主天子戴圓冕披大裘登三

垓植四邸藉陳菹秸器用陶匏高炎四施耀流沙而燭滄

海廣樂六變來象物而降天神感霏煙瑞一作漏露之徵延

薰風景星之祉大禮旣畢應嘉旣臻思欲契精爽於高明

剖靈符於峻極甲申御金蹕登王輿環拱百神導從群后

遂陵桂萼攀松蹬跨崢嶸而出煙道排列缺而狝天門羽
節高揮上下鳥星之次龜壇下映俯瞰鵬雲之色瓊文祕
檢絡之以銀繩寶箒休期探之於金策交大靈於咫尺受
洪釐於億萬然後倘伴煙霄悵古昔疑神於九天之上
遊目於八紘之表睠觸石之雷雨爰覃作解之恩仰斗杓
之運行仍布惟新之令是曰大赦改元為萬歲登封元年
歡浹幽明慶霑動植千齡之統由聖代而連九皇萬歲之
音自神仙而周四海休氣低而翔輦神光起而屬人抃舞
相趨以降於行殿丁亥禪祭后土於少室下趾東南顯祖
妣立極文穆皇后太祖妣無上孝明高皇后侑神作主戈
矛山立玉帛星陳登澗沼之毛輯江淮之物禹會之殊方

異俗俱執豆籩漢祠之儔獸珍禽悉加壇墠撫空桑之琴
瑟斟爵鬯之樽壘咸秩衆靈遍祀群望席以黃琮為鎮書
以青石為緘元封之謁款一作款謁方丘儀因東峙建武之推

功太析禮視北郊陽烏珥而僊鶴飛紫雲騰而黃霧起靈
之來兮如雨瑞之委兮如山於是事畢功弘禮周慶洽方
欲輯珪璧陳誅任鋪六代之禮文受萬邦之朝賀宏規大
業其盛矣哉蓋淳源浸衰叔葉多故神器不還於至道尊
名或假於涼德秦嬴極暴企踵於無為之朝漢徹窮奢厚
頽於盛德之事人不見義其來自乂我后首出帝先遂康
天步登封降禪拉宇宙之樞衡立顯崇功一作從初定皇王之
軌式鴻勳上格於窮昊厚福旁浸於黎元煇煇煌煌亘寰

區而宣壯麗魏魏蕩蕩橫山丘而殷聲名固已轡前聖之
規模聞含靈之耳目方使炎農抱愧愕睨一作於梁甫之
阿姚舜欽風延佇於崇高之路天下大功成矣域中之能
事畢矣昔者鳥獸率舞一人賦元首之篇戎夷來賓四子
誅中和之樂時僅平而頌作俗未泰而歌興况乎城五登
三遠承文武之烈襲六為七近叶春秋之義神功與二儀
並運顯號將七曜俱懸豈可使時遇無詩於皇不作臣嶠
謬忝司牧躬陪錯事末光幸煦長傾捧日之心僊石徒攀
終愧陵雲之筆敢承明制而為頌云

天命上君君臨下上靈祗允懷品物咸覩翕受三六時乘

充五於昭文明粵

石稽古關錄

一作

六氣庭衢八荒殊隣

管籥絕黨梯航河海晏謐閭閻阜昌琴橫帝宸鼓卧邊

齊衡均度制禮作樂武戢五戎文興四學法宮布政靈臺

視朔化偃中和人還太朴湛恩布濩協氣氛氲嘉吏歲積

休符日聞祥開草樹慶動煙雲乾冊冊篆河圖紫文欽若

元命率由前典道洽升中功成丕顯神筴演卦名山除單

翠鳳銜絳玄龍御辯迴鑿左肅弭節中樞萬騎雷動群方

電趨層壇殷薦登鑿山符駐輦星躔交神漢曲雷雨下濟

輝光仰燭地戶開扉天牢罷獄萬歲重熙三辰改旭迎陰

廣澤報地方畦庭合六舞筵陳兩上神靈第

一作

瑞巨象

天犀牒貫銀縷函封金泥禮具德明神觀瑞浹儲筭玉斗
賜齒金篋知崇高之可封悟梁甫之虛躡敷帝道於一藝

振天聲於萬葉

文苑英華卷第八百四十四

文苑英華卷第八百四十五

碑二

儒一

益州夫子廟碑一首

遂州長江縣先聖廟堂碑一首

益州夫子廟碑

王勃

述夫帝車南指遁七曜於中階華蓋西臨藏五雲於太甲
雖復星辰蕩越三元之軌躅可尋雷雨沸騰六氣之經綸
有序然則撫銅渾而觀變化則萬象之動不足多也掘瑤
鏡而臨事業則萬機之湊不足大也故知功有所服龜龍
不能謝鱗介之尊器有所歸江漢不能竊朝宗之柄是以
朱陽登而九有照紫泉清而萬物覩粵若皇靈草昧風驪

受河洛之圖帝象權輿雲鳳錫乾坤之瑞高辛堯舜氏沒
大夏殷周氏作達其變遂成天下之文極其數遂定天下
之象衣冠度律隨鼎器而重光玉帛謳歌反宗禋而大備
洎乎三川失御九服蒙塵俎豆喪而王澤竭鍾鼓衰而頌
聲寢邵陵高會諸侯輕漢水之威踐土同盟天子窘河陽
之召三微制度乘戰道而橫流千載英華與王風而掃地
大業不可以終喪彞倫不可以遂絕由是山河北朕素王
開受命之符天地氤氳玄聖舉乘時之策興九圍之廢興
振六合之頽綱有道存焉斯文備矣夫子姓孔氏諱丘字
仲尼魯國鄒人也帝天乙之靈苗宋微子之洪緒自玄禽
翦夏浮寶王於南巢白馬朝周載旌旗於北面五僊神器

珠璣高列帝之榮三命雄圖鍾鼎承家之禮商丘誕膺
下屬於防山泗水載靈遙馳於汶上禮樂由其委輸人儀
所以來蘇排禍亂而構乾元掃荒屯而樹真宰聖人之大
業也若乃承百王之丕運惣千聖之殊姿人靈昭有作之
期嶽瀆降非常之表珠衡玉斗徵象緯於天經贗據龍蹲
集風雲於地紀亦猶三階躡月恒星知太紫之宮八柱衝
霄群嶺辨中黃之宅聖人之至象也若乃順時而動用晦
而明紆聖哲於常師混波流於不問太陽亭午收燭火於
丹衡一作滄浪浮天控涓涔於翠渚西周捧袂僊公留紫
氣之書東海摳衣矧子叙青雲之袂接輿非聖詢去就於
狂歌童子何知屈炎涼於詭問聖人之降跡也若乃叅神

揆訓錄道和倪辱太白於中都緝乘黃於下邑湛無爲之
跡而衆務同并馳不言之化而群方取則雖復霓旌一作旌
羽旆齊人張夾谷之威八佾三雍桓氏逼公宮之制洎乎
歷階而進宣武備而斬俳優惟義而行肅刑書而誅正郊
用能使四方知罪爭歸舊好之田三家變色願執陪臣之
禮聖人之成務也若乃乘機動用歷聘棲遑神經幽顯志
大宇宙東西南北推心於暴亂之朝恭儉溫良授手於危
亡之國道之將行也命道之將廢也命歸齊去魯發浩歎
於衰周厄宋圍陳奏悲歌於下蔡聖人之救時也若乃筐
篚六藝笙簧五典折旋洙泗之間探蹟唐虞之際三千第
子攀睿化而升堂七十門人奉洪規而入室從周定禮

章知損益之源及魯裁詩雅頌得絃歌之首備物而存道
下學而上達授神叙教降赤製於南宮運斗陳經動玄符
於北洛聖人之立教也若乃觀象設教法三百八十四爻
四十有九窮神知化應萬二千五百周易作萬有一千五百二十五十

有五成變化而行鬼神觀陰陽而倚天地以鼓天下之動
以定天下之疑索衆妙於重玄纂群微於太素聖人之讚
易也若乃靈襟不測睿視無涯石柝昭集隼之庭土缶驗
羶羊之井嵇山南望識皓骨於封禺蠡澤東浮考丹萍於
夢渚麟圖鑒遠金編題佐漢之符鳳德鈎深玉策筮亡秦
之兆聖人之觀化也時義遠矣能事畢矣然後拂衣方外
脫屣人間奠楹興夕夢之災負杖起晨歌之跡撓虹梁於

大夏物莫能宗

一作文

摧日觀於魯丘吾將安仰明均兩曜

不能遷代謝之期序合四時不能革盈虛之數適來夫子時也適去夫子順也爲而不有用九五而長驅成而勿屈撫雲霓而高視聖人之應化也自四教遠而微言絕十哲喪而大義乖九師爭大易之門五傳列春秋之輻六體分於楚晉四始派於齊韓淹中之妙鍵不追稷下之高風代起百家騰矐攀戶牖而同歸萬匹驅馳仰陶鈞而共貫猶使絲簧金石長懸闕里之堂荆棘蓬蒿不入昌平之墓聖人之遺風也遵揚十聖光被六虛乘素履而保安貞垂黃裳而獲元吉故能貴而無位履端於太極之初高而無名布政於皇王之首千秋所不能易百代所不能移萬乘資

以興衰四海由其輕重雖復質文交映瞻禴祀而長存金

火迺遷奉琴書而罔絕

一作網紀

蓋易曰觀乎人文以化成天

下又云聖人以神道設教而萬物伏焉豈古之聰明睿智

神武而不殺者夫國家襲宇宙之淳精據明靈之寶位高

祖武皇帝以黃旗問罪杖金策以勞華夷太宗文武皇帝

以朱翟承天穆王衡而正區宇皇上宣祖宗之累洽奉文

武之重光稽曆數而坐明堂陳禮容而謁太廟八神齊饗

停旒太史之宮六辨同和駐蹕華胥之野文物隱地聲名

動天樂繁九俗禮盛三古冠帶混并之所書軌八絃

疑作絃

閭閻兼匝之鄉煙火四極竭河追日夸父力盡於楹間越

海陵山豎亥塗窮於廡下薰腹廣被景照潛周乾象著而

常文清坤靈滋而衆寶用溢金膏於紫洞雨露均華栖玉
燭於玄都風雷順軌丹萸翠茵藻繪軒庭鳳彩龍姿激揚
池御殊微盼靈不召而自至茂祉昭彰無幽而不洽雖復
帝臣南面降衢室而無爲岱畎東臨陟名山而有事靈命
不可以辭也大典不可以推也由是六戎宵警橫紫殿而
縱金五校晨驅蹴玄雲而噴玉星羅海運嶽鎮川渟登碧
墀而會神祇御玄壇而禮天地金箱玉冊益睿筭於無疆
玳檢銀繩署靈機於不竭功旣成矣道旣貞矣歷先王之
舊國懷列聖之遺塵翔赤驥而下雲亭吟翠虬而望鄒魯
泗濱休駕杳疑汾水之陽尼岫凝鑿暫似銅疑作山之典
廻下詔曰可追贈太師託蓋梅於異代昇路生光寄舟楫

於同時泉塗改照咸亨元年又下詔曰宣尼有縱自天體
膺上哲合兩儀之簡易爲億載之師表顧唯寢廟義在欽
崇如聞諸州縣孔子廟堂及學館有破壞并向來未造生
徒無肄業之所先師闕奠祭之儀久致飄零深非敬本宜
令諸州縣官司速加營葺九隴一作成都縣學廟堂者大唐龍
朔三年鄉人之所建也爾其州分化鳥境徇罇鳴羸疑錦
室於中區託銅梁於古地玉輪斜界神龍蟠沮澤之雲石
鏡遙臨寶牒一作馬牒禺山之影天帝會昌之國上照乾維
英靈秀山之鄉傍清地絡庠序由其糾合纓弁所以會同
文翁之景化不渝智士之風猷自遠於是雙川舊老攀帝
獎而翹心三蜀名儒想成均而變色探周規於舊宅詢漢

制於新成作都開基於四會之躔授矩於三農之際上階

無級就擊壤於新權茅茨不剪易曾巢於故事莊壇文杏

即架椽欂一作樊谷幽蘭爰疏戶牖儀形莞爾似聞沂水

之歌列侍閭如若奉農山之對緇帷曉闢橫組帶於西河

絳帳宵懸聚青襟於北海雖秋禮冬詩之化以洽於齊人

而宣風觀俗之規實歸於上宰銀青光祿大夫譙國公諱

崇義大武皇帝之支孫河間大王之長子高秋九月振王

質於唐丘寶筭千齡躍璇趾於大渚我國家靈命東朝抗

裘冕之尊宗子維城南面襲軒裳之重析玄元之一有亂字

擁朱虛之祿字有位拜玉節於秦京輝金璋於蜀郡玄機應

物潛銷水恠之災冊筆申寬俯絕山精之訟魏文侯之擁

等道在而謙尊董相國之垂帷風行而俗易司馬宇文公

諱純河南洛陽人也皇根帝緒列五鼎於三朝青鎖丹梯

一作跨千尋一作種於十紀仲舉澄清之轡未極夷塗士元

卿相之材先登一作猶先上佐冰壺精鑒遙清玉壘之郊霜鏡

懸明下映金城之域縣令柳公諱明字太易河東人也梁

岳之英長河之靈沐雲漢之粹精一作精粹荷天衢之元亨旌

旗赫弈於中古珪組陸離於下葉鳳巖抽律擢魯秀於龍

門驪穴騰姿吐榮光於具闕白朱絲就列光膺今宰之榮

墨綬馳芬高踐郎官之右仙鳧旦舉影入銅章乳翟朝飛

聲含玉軫臨邛客位自高文雅之庭彭澤賓門猶主壺觴

之境曠懷足以御物長策足以服人重泉之惠訓大行單

父之謳謠遂遠猶為夏絃春誦俗化之樞機西序東膠政
刑之根本上祇朝憲下奉藩維爰搜複廟之儀載闡重欄
疑作之制三門四表燠疑作矣惟新十一一作哲宗師肅焉
如在將使圓冠方領并行鄒魯之風銳氣英聲一變賓疑
賓渝之俗於是侍郎幽思摛鳳藻於瓌林丞相高材排鳳
姿於壁沼遺榮處士開簾詮孝悌之機頌德賢臣持節聽
中和之樂其為政也可久其為志也可大方當變化台極
儀刑萬宇豈徒偃仰聽事風教一同而已哉勃幼乏逸才
少有竒志虛舟獨泛乘學海之波瀾直轡高謳踐詞場之
閶闔觀質文之否泰衆矣考聖賢之去就多矣自生人以
來未有如夫子者也嗟呼今古代絕江湖路遠恨不得親

承妙音攝齊於游夏之間躬奉德音褒袂於天人之際擢
身名而永悼瞻棟宇而長懷嗚呼哀哉敢為銘曰

五帝既沒三王不歸天地震動陰陽亂飛山崩海竭月缺
星圍禮樂無主宗禋遂微其一大哉神聖與時廻博疑作溥應

運而生繼天而作龍躍浩蕩鵬飛寥廓奄有人宗遂荒天
爵其二尼山降彩泗濱騰氣志匡六合神經萬類夾谷登庸

中都歷試睿情貫一玄猷絕四其三栖遑教跡寂寞河圖違

齊出宋歷楚辭吳風衰俗毀禮去朝無麟書已卷鳳德終

孤其四杳杳靈命茫茫天秩吾道難行斯文易失式宣六藝

財成四術虛往實歸外堂內室其五邈矣能仁悠哉化主力

制群辟權傾終古陸離彩粲蟬聯茅土涉海輕河登山小

魯其皇家載造神風四極檢玉題祥龜金署德聿懷聖跡

同享天則廼春疑作台庭爰昇衮職其王津同派金堤茂

版智士高風文翁澤遠昨淳壤沃聲和俗愿載啓仁祠遂

光儒苑其沉沉壺奧肅肅荷除靈儀若在侍列一作如初

槐新市密杏古壇踈楹疑置奠壁似藏書其泛泛寰中悠

悠天下徇名則衆知音盖寡硬石叅瓊迷風亂雅仲尼既

沒夫何為者其

遂州長江縣先聖孔子廟堂碑 楊炯

法象莫大於天地變通莫大乎四時懸象著明莫大乎日

月備物致用莫大乎聖人夫子諱丘字仲尼魯國鄒人也

龜龍召讖帝鴻驅八翼之軒魚鳥呈文天乙降三分之璧

五十二戰權輿驟帝之都一作二十七征草昧馳王之業

平域中之禍亂掃天下之度劉以盛德大業之尊當開階

立隧之重及其山崩海竭日薄尾廼廼曆數不還謳謠遂遠

元子賓周而建國二王之車服可尋上卿翼宋而承家三

命之衣冠再襲是故陰陽混合洩符瑞於平鄉宇宙氤氳

灑休微於闕里龍峻而龜背月角而雷聲有軒帝之殊姿

有殷王之異表山開遁甲尼丘落於紫垣星掌巫咸鈎鈐

墜於蒼陸淨光童子來遊震一作旦之郊軋象明靈一作

俯下庖犧之國十五而志學三十而有成申下問於伯陽

屈帝師於郊子天為木鐸九州知發號之期吾豈匏瓜一

國有來蘇之望常疑作登委吏稍踐中都天下可臨諸侯

取則以之禮而國定司空之官以成禮以之義而國平司
寇之官以成義掌山林於夏典物得其生聽獄訟於秋官
人忘其死大夫亂法仍行兩觀之誅陪臣執權即問三雍
之罪強公室而集無此字弱私家叙君臣而集無此字明長幼用能
使犧牲秬鬯不登闕闕之庭羽戟旌旄不列壇場之位當
是時也三光薄蝕九土分崩夷狄有君中華無主集作禮周
京赫赫成康之至教茂聞魯國巖巖賢聖之餘風可墜河
圖未出吾道不行周流八方經營四海治集作政亂運也窮
通命也荷天下之至聖仍逢盜跖之軍仗天下之至和猶
有匡人之逼德生於我樂天命而何憂文不在茲臨大難
而無懼使仁者必信安有伯夷使智者必行安有王子豈

三千擊水牛蹄不能鼓橫海之鱗九萬搏風鷄羽不能
垂天之翼然後上不臣天子下不事諸侯乘殷之輅服周
之冕或屈伸於季孟之間或動靜於魚龍之際下學而上
達將聖而多能博而無名信而好古察殷周之禮樂損益
可知觀杞宋之文章賢才不足數年學易伏羲龍馬之圖
三月聞韶媯帝鳳凰之典信在集作存乎德術集作行非數貫於
神明集作四時意見乎時制作侔於造化已所不欲則一言可
以終身人之莫遠則一言可以亡國惡鄭衛之亂雅樂惡
利口之覆邦家榮辱定於樞機褒貶在乎簡牘精誠密召
北門集作辰開紫掖之星福應全來中極敷玄雲集作漏之
氣乃若知幽明之故見天地之心有感而遂通不行而克

至年當甲子潛知啓漢之萌運集作音叶宮商預察亡秦之

兆星移大火追責天司月入陽街集作純陽無勞集作行無兩備季

桓子犢羊之井推木石之禎祥陳惠公集準之庭驗蠻夷

之貢賦然後歷三辰而王步照四極而金聲坐於緇帷之

林浮於亶州之海門生七十仰天路以無階弟子三千望

宮墻而不入哲人之能事畢矣先王之至德行矣配乎二

象不能遷必至之期參乎兩曜不能稽有集作有非常之動南

遊楚國遂聞衰鳳之歌西狩魯郊獨不傷麟之泣夫子周

靈王二十一年冬十月庚子生至魯哀公十有六年夏四

月巳丑卒凡享年七十二于今一千餘歲泰山頽而梁木

壞微言絕而大義垂傳饗祀於百家奉琴書於十代秦始

皇見登床之識集作識始亂衣裳魯恭王看壞壁之書猶聞

絲竹漢圖起於六千日賜金之禮載優魏德行於五千年

刻石之風未泯述文集有序字武者皆憲章於聖人脩學校集有

書者魚折衷於夫子自革集有常鞞王曆毳幕瑤圖皇天無

阜白之微戎狄起豺狼之釁摧六律絕笙竽塞師集作瞽曠

之耳天下之人廢其聽矣散五彩滅文章膠離朱之日天

下之人黜其明矣我高祖神堯皇帝因三靈之寶曆藉萬

國之歡心風起北方月行中道削平宇宙集作雷雨戢干戈於

羊馬之年彈壓華夷照文物於龍蛇之代太宗文武聖皇

帝昇瑤壇於曲洛受王版於平河經天緯地盪海夷嶽坐

玄宮而密轉紫微光帝宅之尊戴黃屋以一作深居赤縣

列一作神州之貴今上天無私覆道不虛行馭六氣而平

太階乘八風而制群動星連月合層臺而有觀羽之勞海

一作晏河移直筆有書祥之倦封太山而禪梁甫千載同

歸敞衢室而築明堂百靈咸秩雲行雨施品物流形天尊

地卑乾坤定矣若乃虞夏商周之禮考正朔而三遷東南

西北之人混風聲而一變環林拂日映高柳而對扶桑圓

海澄天走鯤池而涵象浦粵以乾封元一作年有詔追贈

夫子為太師咸亨元年又詔州縣官司營葺學廟憑風雲

於異代照日月於殊途死者有知歿而無朽如綸如綽大

君於號令之嚴匪朴匪雕上宰極司存之敬長江令楊公

弘農華陰人也即華山公之孫大將軍之子朱宮帶地明

河一葦之西黃闕中天神嶽千花之北山川壯麗於區宇

人物繁多於海內齊九龍而闊步一門鍾豹變之榮襲五

公而長驅四代赫蟬聯之祉出忠入孝誕秀興賢冠蓋城

邑池臺鍾鼓英靈輻湊鏘鏘萬王之門嘉瑞駢羅濟濟千

金之子是故北方多士太一壯其集作一魁梧南國仙人

中書備其端雅倚桐可仰丹漆兼集作重施照明月於霄懷

吐清風於襟袖臧武仲之智卞莊子之勇集作法可以為大

臣矣韓尚書之臨八座發跡下邳卓太尉之踐三階來從

密縣自操刃入仕聞魯邑之絃聲解劔分司察豐城之寶

氣汝陰徐令大號無雙河內王君時稱未有飛雪千里不

能改松柏之心名都十城不能動夷齊之行先是殊方暴

客常集作嚴鉅野之兵絕磴奸豪每縱潢池之虜集作數

州常以為集作弊歷政所不能移行人為之聚眾集作耕

父由其釋未公英謀獨斷銳氣無前奮一劍戮元兇馳單

車而躡遺噍道旁牛馬並屬羅衡縣內神明皆稱傳琰若

乃山林猛獸動星象而垂文江漢羆眈集作鼓風颺而作

愾城門六閉未防虞吏之災都市三言終有三君之暴公

雄心裂背壯髮衝冠按東海之金刀飛北斗之石箭罔巒

不擾有符劉孟之城坑穿無罅吳更似童君之邑自非愛人

猶子視物如傷豈能躬斬兇詎亦親除災害與夫赤繩不用

道被於瑕丘桴鼓希聞化移於京洛可同年語哉然後示

之以禮儀陳之以庠序興役鳩工集無憑三時之閑暇薄

賦輕徭視集作四野之川原依集作城負郭青泥險磴斜連白

馬之關赤岸長波遠注黃牛之泱懸四刃而開益部照參

伐於天光賦三錯而闢梁州集作絕岷集作嶓於地德背

山臨水掩全蜀之膏腴望日集作星採公宮之法度丹墻數

仞吐納雲霞椽柱三間蔽虧風雨瑠璃曉闕東宮雀日之

窓玳瑁朝懸西漢地鱗之楠圖光甚於北斗聖質猶生赫

符彩於連珠宏姿可想至於月衡月準山額山庭侃侃星

文堂堂日角莫不向之如在疑遊北上之山望之儼然似

矚東流之水博士助教某等西州聞望南國英靈駭飛兔

於文場躍雕龍於筆海揚雄博識神遊象繫之端李邵幽

通思入璣衡之表每至韶光令月朱鳥乘春爽氣高天玄

龜送曆瓊筵玉豆中堂奉先聖之儀石磬金鍾南面習諸

侯之禮華陽曾子鼓篋來遊蜀國顏子搢衣請學絃歌在

側集作聽還昇武騎之臺禮樂居前重覩文翁之室初初茂

德濟濟時英聖人千載之風儒者一都之會丞主簿尉某

等青田戒露望華蓋而長鳴綠地生風下仙閣一作問而直

轡大夫貞節還居內史之丞文學明誠集作經猶集作畫歷南

昌之尉鄉望姓名等王孫獵騎騁原隰之盤遊公子文鋒

叙江山之體勢符偉明以都官讞職逢有道而相推趙元

淑以郡吏從班見司徒而不拜魚以鄉閭少事風月多懷

命童子於雲臺就門人於相圃冬禮春詩之化再造雙川

淹中稷下之風一匡二集作三蜀若夫平南壯烈沉流水於

裁碑逐北勲庸集作元勲登燕山而刻頌庾太尉新亭之墓尚

有黃金鄭康成通德之門猶存白瓦况乎功苞大象績被

蒼生豈使銘典闕如音塵不嗣是則集作用雕墻峻宇列冠

蓋於宜城塞陌填街考春秋於太學小人狂簡不知所以

裁之夫子之文章今可得言也詞曰

西崑玉闕南海金堂惟惚惟恍一陰一陽三辰赫赫九土

茫茫太極天帝神州地皇驪連上古混沌中央降及軒項

終於夏商四時玉斗五緯珠囊聖德千載淳風八荒天開

赤籙日照青光識叶金匱兵符玉璜化隆文武澤盛集作伊

成康天子穆穆諸侯皇皇春秋代謝宗社危亡帝典無集作

垂象人倫不綱山河命德天地興祥禮樂三變文明一匡

原承少典祚啓成湯吹律冊鳳御符

一作鈎

白狼三仁去國

再命循墻不有積善其何以昌降靈鄒邑誕哲平鄉月角

摘彩星鈐吐芒文行忠信恭儉溫良或默或語能柔能剛

學而不厭師亦何常通禮明德尊賢毀方古之君子昔者

明王道叶公旦神交帝唐攝官從事服冕端章示之以德

臨之以莊澤如春雨感若秋霜男女斯別尊卑克彰時逢

版蕩運屬悽違入齊損味居陳絕糧登山極目臨水倘伴

無道斯隱捨之則藏季孫大賚敬叔揄揚問官郊子受樂

師襄神明叶贊雅頌鏗鏘紫麟遙集冊鳥遠翔生靈水火

家國舟航功符日用德叶天長倏嗟崩嶽奄歎摧梁昧昧

神道悠悠彼蒼書開懷宅七識識

集作發

登床與代輕重因時

弛張擅裘黼黻沙漠壇場璣衡慘慘載籍膏育汾河水白

晉野星黃軒電臨斗殷留

集作雲

入房九圍臣妾八極城隍

東序西序上庠下庠粵惟銅墨實號金箱

集作相

靈山地輔

德水天潢芝蘭秀出羔鴈成行玉匣孤劍瑤臺驪驪懲奸

搖

集作挫是

右濟猛移蝗風傳積石道被滄浪絲言渙汗經葺

相望夏井蓮植秋窓桂芳綉楹文琰綺綴明璫四注飛閣

三休步廊禮行釋菜敬盡明薌圖非有若地異空桑伏羲

書契女媧笙簧匏土金石珪琮璧璋高門程鄭碩學王揚

威儀秩秩宮徵瑒瑒山棲鳥

集作吊

鳥水宿鴛鴦蜀門荷戟

江津濫觴落星高堰明月回塘冊碑不朽清廟無疆

文苑英華卷第八百四十五

